

РОМНИ

Ромни, щапкерел пинанги...
Упрал шеро ппиравел Ччон!
Тъагарни! Авел шукар, барикани!
Машкар талазия, сивде севриес миля
о глабовя-калоре лискинен - гиля...

Ппикке-ппака, уряба ден бухлимнаске!
Васта-сане, чирикле кале поренца...
Издрал и Луна, на тромал те дишинел!
Въргалянгяс ли пес, ка перел лали, е
жендемиеске ан о воги... Бибахтали.

Щапкерел пинанги... О колин сар бар, яг
балваляни сопринел, и шол, и фурия!
Бияккало! Пе адетиеса балваляно, те кунинел
лакири чени ко кан, чумидимнасар...
О дикос лиляво, капладиме лулугяте...
Те урявел, ов дур!

Дивьонел... Кабили си и Луна те претуринел!
Залендо късканжис ан о масурия те девъринел!
Дурули те башалел катар е дуйняскоро агор...
Те ккосел андар о якка-яга о асайбе-махана,
сави, ттарел лескоро сеси, лисяме бариканипе!

Лалорйовен черхеня, цара...
Урявкярел ли пе машкарестар о погя -
ка дел башалиба муса - сомнякуни муза!
О Ефири... Ка дел ечи векувимнаске, умрендиме!

Ромни, щапкерел пинанги...
Ппиравел упрал шеро Ччон!
О балваля, сопринел биккини!
Те цибринел! Во веки о Ккам!
Пе магяса, магярни во веки!
Са-соси магъосинел! Ой! Пе дехимнасар!

